



Hermannus natione Germanus suo tempore in arte Grammatica & Poëtarum doctrina nulli secundus extitit. Itaq; cum uideret Grammaticam omnium reliquarum artiũ & disciplinarum basim & fundamētum esse, sine quo reliqua omnia facilè corruant, iuuentutem omnem ad huius artis præcepta extimulauit. Scripsit etiam commentaria in primam partem Doctrinalis Alexandri, cum uocabulorum interpretatione. præterea commentarios in Vergilij bucolica & Georgica. Insuper omnium primus Elucidariũ Poëticum composuit. quæ quidẽ omnia hinc inde typis euulgata, in studiosorum manibus terũtur. Itaq; is suis lucubratiõ-

nibus communem patriam (quantum eo tempore fieri potuit) egregiè apud exteros illustrauit. *Gess. in Bib.*